

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43		Issue No. 34		Ramhlun North: Ni 23 August, 2025	
 BRANCH THU THAR ■ Kan Branch President, Pu Laldingliana Sailo chu Central Co-ordination Committee (CCC) ah kan Branch aiawha tel tura ruat a ni. ■ YMA inkhawmpui lian atana kan Branch aiawha tel tur ngaihtuah fel turin ni 24.8.2025 (Pathianni) tlai dar 3:00 ah YMA Committee Room-ah Branch OB leh Music Sub Committee OB te thutkhawm tur a ni.  SECTION THU THAR ■ Saizahawla Section: Ni 28.8.2025 (Ningani) zan dar 8:30-ah Chawngbawla Runah committee neih tum a ni a, member-ten hun remchang lo insiam nise. ■ Neuva Section: Finance Secretary tlanglai chu hmun danga a awm avangin ni 22.8.2025 (Zirtawpni) zan khan committe chuan Finance Secretary atan NI. RD. Vanlalmangaihzelei chu thlan thar a ni.  SUB.COMT THU THAR ■ Music Sub-Commtee: Ni 26.8.2025, Thawhlehi zan dar 7:30 ah Chawngbawla Runah YMA Zaipawl ruat tharte, YMA General Conference-a zai turte inhmuhkhawm tur a ni. ■ Property Sub-Commtee: Vawiin hian bungrua te enfel a hnatlang neih a ni a, he hunah hian Committee Room AC bakah CCTV tha lo lai an siam tha a. Tin, YMA bungrua hrang hrangte chhinchhiahna an siam tha bawk. <i>(Property hnatlangte hian MARYMA chhun thingpui leh a hmeh tui tak minrawn pe a, an chungah kan lawm hle. -Ed)</i> ■ Library Duty turte Dt. 30/8/25 1.Tv. PC.Malsawmzuala 2.Tv. Samuel Vanlalnghaka 3.NI. Lalrindiki 4.NI. Lalfelfamkimi 5.NI. R.D.Vanlalmangaihzelei 6.NI. Lalnunpuii Hmar 7.NI. Ruth Biakchungnungi		RAMHLUN NORTH BRANCH YMA (Hruaitu infuihtharna hun hmang dawn) Ramhlun North, the 23rd August, 2025: Ramhlun North Branch YMA Executive Committee in a lo rel tawh angin Ramhlun North Branch YMA hnuaiia Section hrang hrang leh Committee peng hrang hrang hruaitu te infuihtharna hun a hmang dawn a. Hetiang hian programme duan a ni. A Hun : 16.09.2025 (Thawhlehi) zan 7:30 pm A Hmun : Ramhlun Indoor Stadium Chairman : Pu Lalrochama ,Vice President Tantu : NI. Elizabeth Lalnuntluangi, ECM Thusawitu : 1) Pu Laldingliana Sailo, President 2) Pu Vanlalruata Ralte, Ex President Vote of Thanks: Pu Biakchungnunga,Secretary Incharge hrang hrangte: Sound & Zai ho: Music Sub Committee Seat Arrangement: Khuangchera Section Saizahawla Section Neuva Section Seat Re-Arrangement: Chawngbawla Section Taitesena Section Vanapa Section He hunah hian Section Committee, Sub-Committee a committee member zawng zawng te kim taka kal turin Ramhlun North Branch YMA chuan min ngen a, loh theih lohna avanga kan kal kal thei lo a nih dawn chuan Branch Secretary te hnenah ziakin inhriattir tur a ni. YMA hian hetiang programme hi a nei zen zen ngai loh avangin ngaipawimawh turin kan inngen a ni e.			
		Local Traffic Management 1. Veng chhungah kum tling lo tan lirthei (Four wheeler leh Two wheeler) khalh phal a ni lo va, nu leh pate pawhin kan tu leh fate lirthei khalh chungchangah khuahkhirh leh zual tura ngen kan ni. Vengchungah kum tling lo motor a bikin Two Wheeler khalh hmuh tur an tam riau mai, kum tling lo enkawltu te leh lirthei khalh tir tu te chu Rs. 25,000 chawi tir leh kum 3 thlang jail tan tir theih an ni a, Kum tling lo lirthei khalhtu pawh kum 25 a tlin thlang learner leh driving licence a neih phal a ni lo. Kan ram dan pawhin a ngai thutak hle a, palzam lo turin kan inngen a ni. 2. Two wheeler khalh reng rengin helmet khum ngei ngei tura hriattir kan ni a, inkhawm tura two wheeler keng te pawh helmet khum ngei tura hriattir kan ni bawk. Hriattirna hi bawhzui nghal a ni dawn a, hriattirna zawm lote chhinchhiah an ni ang a, thu neitute lamah hriattir nghal zel an ni dawn a ni. Inkhawm kal tur dan bawhchhia nih hi a fuh lo hrim hrim bawk. 3. Parking leh No Parking chhinchhiahna ngaipawimawh thar theuh turin kan inngen a, khawtlangin kaihhraina a siam te khauh taka ken kawh zel a ni dawn a ni. Ruahmanna hi veng mipui zawng zawngte him tlanna tura siam a nih avangin tha zawka zawm theuh turin kan inngen a, a tha zawnga midangte entawn leh zirtirtu nih tum theuh turin Local Traffic Management Committee chuan min ngen a ni.			



Editorial

KAN HRUAITUTE HNUNG I ZUI ANG U

Khawtlang nuam, hrisêl, hmasawn ni tur hian tute emaw hi chu, ât khat a che deuh a ni lo maw? tih tur khawpa an inpêk a lo ngai a ni. Khawtlâng hruai hna hipâwn lam, a him chin atanga lo thlir ang ngawt hi a ni lêm lo tih hi i theihngihlil ngai suh ang u.

YMA tân/khawtlâng tâna inpete hian eng ang takin nge an hun an hman tih hi kan chik thin em? “A nupui fanau, a chhungkuate hian a hun 10% pawh hi an chang phâk dâwn em ni? tih tur an awm nawk mai! Chutiang taka mi inpete zârah chuan khawtlâng hian kal a lo siam hrâm hrâm thin a lo ni.

Kan hruaitu (branch, section, sub-committee)-te hahzia, fak an phûzia hi kan sawi nawn fo a ngai. Tlin lohna tam tak, chak lohna tam tak an nei ve ngei ang; mahse, khawtlâng tâna theih tâwp an chhuahna chauh tal hi chu kan hmuhsaka an hnung kan zui hrâm hrâm a ngai a ni. Sâpin ‘comfort zone’ an ti a, a nuam chin, a him chin pêl lo hian khawtlâng rawng hi eng nge maw chen chu a bawl ve theih a; mahse, mahni ‘comfort zone’ pêl lova khawtlâng rawngbâwl na hi chuan thui tak a thleng hauh lo mai a, ‘ei tling’ a nih tak tak theih loh. Hei hi kan tlin loh fo, mi narân tlin ve loh thil a ni. An hnung kan zui zo vek hauh lo vang; mahse, a inthlahthlam lo thei ang bera kan inzui hrâm hrâm loh chuan, nakinah hian hruaitu ni peih leh ke pêh peih kan inhmua lo mai ang tih a hlauhawm a ni.

Kan dam chhûng ni, kan that lai ni a rei dâwn lo, kan vânglai hun tha tlêm tal hi chu midang tân, YMA tân, khawtlâng tân i hmang ral phal ve teh ang u.



GENESIS PRIME REALTY

YOUR SPACE OUR PRIME PRIORITY

-In luh tur nei leh zawng tan - Ram hralh duh leh lei duh te tan
-PG/Hostel nei leh zawng tan-

IN BUAH HAH NGAIO IN KAN LO BUAIPUI SAK ANG CHE.

- AGREEMENT FELFAI TAKIN • I CHHIARNA ANG ZATIN
- I BUDGET MIL ANG ZELIN.

GOVT. APPROVED
MSE/0058/2025

CONTACT: 600-911-3131 / 600-946-6922



KHAWTHLIR

KHUANGCHERA PUK

Pûk han tih hian mi tam tak rilruah chuan pûk chhung thim khup mai, nelawm loh tak; boruak tha pawh awm lohna kan mitthlaah a lo lang nghal a. Khuangchera Pûk lut tawhte phei chuan pûk kaw lehlam kan chhuaha kan berh zia te thlengin mitthlaah a lo lang ngei ang.

Khuangchera Pûk "Tuikhur Pûk" an ti bawh hi Mizorama pûk hmingthang ber a nih loh vek pawhin a lar ber pawl chu a ni awm e. Mamit district, Ailawng khaw chung, kawngthlangah tuikhur hnunga awm a ni. He Pûk hi Pûk pangngai ang ni lovin a lut tawh te chuan an hria ang a, chhung hi lung khawk rawk a ni a, luh pawh a harsa hle a ni. A changin hmun zimte-ah zangthal zawnga luh te a ngai a, a chang leh a zau hâu bawh a. Tlem-a sa tha deuh tan chuan luh pawh a harsa hle a ni. A thui zawng hi meter 182 a ni a, a thuk zawng erawh 10 metres a ni bawh. A chho zawngin a kâw chhova, a chhak kawngpui chhakah a chhuak a ni. Mi chak pangngai chuan rei lo te chungin an lut chhuak zung zung a, minute 20 vel chauh hun hmang te pawh an awm.

Khuangchera hun lai hian khawtlang mipui te tui an hmuhna chu lungrem atânga tui luanna a ni a, mahse lungrem chhunga lut tur chuan an hlau em em thin. Tlâng dung lehlamah lungrem dang a awm leh a, tui a luang ve bawh si a, mahse tui chuang chhuak hmuh tur a awm si lo. Tichuan, Khuangchera chuan lungrem pahni chu inzawm a ni tih finfiah tumin lungrem chhungah a lut ta a. A chhungah mei siamin a lut a, rei lo te hnua lungrem dang atângin a chhuak ta a, lungrem pahni chu inzawm tak tak a ni tih a fin fiah ta a ni.

Khuangchera lungrem chhunga a luh hnu chuan natna khirh takin a tlak buak a, hei hian khawtlang mipuite lungrem chungchang hlauhna a tizual ta a ni. Kum 1980 ah khan local adventure club pakhat in Khuangchera Pûk hi an zirchiang chhuak ta a ni.

Khuangchera Puk hi kum zabi 19 na-na India zalenna sual chhuaktu, Khuangchera, Mizo pasaltha hmingthang tak awmna hmun a ni a, British rorel lai dona kawngah a nunna a hlan a ni. Khuangchera nunhlui ah hian, Khuangchera hi Mizo zalenna sual chhuaktu hmasa ber a ni a, British sipai dona kawngah kum 1890 khan a nunna a hlan a ni. Ngurbawng, Mizo pasaltha dang, Khuangchera nena thian dun, Aizawl khawpui bul, Changsil-ah British sipai kut tuarin an thi dun a ni.

Isaac Zoliana, Reiek khaw pa chuan

hetiang hian Khuangchera Puk- a ti a hming vuah a nih dan a zia. "Reiek khaw daiah hian Pûk a awm a, tui hna tha tak a lo luang chhuak bawh a. Reiek khaw pa ho inhnia tawp thei lo, an thu satel lu chu - he pûk hi a mual lehlam tawpa kâwrah hian a kâw tlang, tih leh a kaw tlang lo, tih a ni a.

Khuangchera chuan an khaw pa ho inhnia tawp thei lo chu fiah a duh ta a. Meichher, chher sarih a siam a, pûkah chuan a meichher chhi chuan a lut ta a. Chher ruk a keng bawh a, a lut zêl a, a laiawl vel a thlen chuan a kua chu a zim ta hle mai a. Bawh vaka kal a ngai ta a. A meichher te chu a kalsan vek a, bawh vakin thim zingah a kal zel a. A beidawng lek lek tawh a. Lungpui lawn kai ngai deuh hi a va thleng a. Chu mi a lawn kai hnu lawk chuan eng de ré ré hi a hmu ta a. Rei lo teah pawnah a chhuak thei ta a. Reiek pa ho inhnia thu satel lû chu a tawp ta. He Pûk hi leiverh sei tak a ang zawk a. Meter 119 chu a luh tlang tak avângin a hming chawin Khuangchera Pûk tih hming hi a put phah ta a ni."

Ailawng YMA Branch-in Pûk tlawhtute tâna 'Dân leh Hrai' an tar chhuahna HOARDING, Ailawng khaw hmawr fem tawp lam Reiek hnaiah lama kawngpui sir thlang lamah an lo tâ ang. Hmuh mai a samkhai lo va, melh phei fê a ngai. Hoarding atâng chiah hian kawngpui let liama ke kawng te reuh têah Pûk chu pan thlâk theih a ni a. An khaw tui tlan lai tuikhur nen a insi chet a ni ber mai.

Pûk kawngkhar, tala-a kalh thlap a ni. Mizo Pasaltha huaissen hmingchawia Pûk kan neih a ni. Ailawng khaw YMA-te pawhin uluk takin an enkawl a, a thianglim thei ang bera a tlawhtute reng reng pawh che fel thianglim hram turin an ngen reng bawh.

Khuangchera Pûk hi tlawh chakawm tak a ni a, a chhunga thim, rim nam, ri danglam tak tak te leh lungphuna siam dan avângin adventure ngainatute tan a tha hle. He hmun hi chanchin hlui bakah Mizoram ram hmel leh thawnthu duhawm tak tak te hmuhna awm a ni a. A pûk hi Mizoram ram chhunga awm a nih avângin ram hmel leh thil mak tak tak te hmuhna awm a ni. Tlawh chakawm tak a ni a, adventure ngainatute tan a tha hle.

He Pûk hi tunah chuan Sawrkar thuhnaiah awmin Art & Culture Department in 'Mizoram Ancient Monuments and Archaeological Sites and Remains Act, 2001' hmangin a humhalh tawh a ni.

A luhna gate tak hi chu kum 2006 Directorate of Sports & Youth Services Department in an siam a ni thung.

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalhntluanga, Vanengmawia
Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma
Circulation Managers: PB Lahuapzauva, Samuel Lahlpuia, Hmingthanazuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

MARYMA	PHEK 3-NA	RN YMA CHANCHINBU
ZIN & HAW ■ Dr. Joseph Lalhmingliana, Branch Asst. Secretary chu chhiattawh thilah Leithumah a zin. ■ Pu VL. Pianruala, ECM thil pawimawh buaipuia Serchhipa zin chu a lo haw leh ta. ■ Pu Tlangtimawia Zote, kan President hlui sorkar thil pawimawha Guwahati leh Jorhat a zin chu a lo haw leh ta. ■ Dr. Vanlalhlana, bialtu MLA chu sorkar pawimawh buaipuiin Goa-ah a zin. ■ Tv. Laldinpuia s/o Vanlalruata Ralte, N-Sec c/m chu thil pawimawh buaipuiin Champhaiah a zin. ■ Pu H. Vankhuma te nupa, C-Section leh Pu H. Lalnunpuia, C-Sec. te chu chhiattawh thilah Leithumah an zin. ■ NI. Biakremtluangi d/o Kamlalmuana, K-Sec. chu NEIGHRIMS-ah inentir in an kal. ■ Pi Zaithangliani w/o Pu Thandingliana, K-Sec. in a hruai. ■ NI.Lalrinmawii Rokhum d/o Upa R. Rotluanga, V-Sec. chu Missionary-a a thawhna hmun Philip-pines atangin chawlh hmangin a lo haw. ■ Pu Robert Lalremruata, V-Sec. te chhungkua chu inentirin New Delhi lamah an thang mek. ■ NI. Raphael Rinhlupuii d/o Jeremiah L. Fanai, T-Sec. chuan a zirma chhunzawm turin Shimla a pan leh ta. ■ PiB.Thanpuui w/o Rohmingthanga, T-Sec. inentir a Kolkata-a kal chu an lo haw leh ta. A fapa Pu PC. Laldingliana’n a hruai. ■ Pu Lalhriatpuia Chawngthu, V-Sec. chu a hna thawhna hmun Pune atangin thil pawimawh buaipuiinalohaw. ■ Tv. Lallawmsanga s/o Lalsangliana (L), C-Sec. thil pawimawh buaipuia Kolasiba zin chu a lo haw leh ta. ■ Pu Lalthakima Colney, K-Sec. chu a hnathawhna hmun Darlawnah a kal leh ta. ■ Tv. Lalrindika s/o R. Chawngkunga, T-Sec. chu inentir turin Kolkata-ah an kal. A unaupa Tv. Lalremruata Renthleiin a hruai. ■ Pu Lalduhsanga K-Sec. chu a pa damlo enkawl turin Kolkata-ah a kal. ■ NI. Lalmuanpuui c/o Lalchhawsanga, C-Sec. chu hna thilah Agra-ah a zin.	DAM LO ■ Pu Vanlalnghaka Zote, President; MUP, Ramhlun North chu Aizawl Hospital-ah enkawl mek a ni. ■ Pi Malsawmzuali w/o Lalthlanthara (L), S-Sec. chu taksa chak loh avangin Nazareth Hospital-ah enkawl mek a ni. ■ Pi Lalliani w/o R.Vanalkunga (L), S-Sec. chu Greenwood Hospital ICU ah enkawl a ni. ■ Pu Thuamzadawla, K-Sec. chu Dengue natna vangin Nazareth Hospital-ah enkawl mek a ni. ■ Pu Lalhlunthanga, N-Sec. chu ZMCH atangin a lo chhuak leh ta. ■ Pi Lalhriatpuui Ralte w/o G.C Lalremruata, N-Sec. Synod Hospital, Durtlanga awm chu tunkar khan a lo chhuak. ■ Pi Zaithangmawii w/o RC Zauva (L), V-Sec. chu Nazareth Hospital, Ramhlun North atangin in lama inenkawl chhunzawm turin a lo chhuak. ■ Tv. Rothangmawia s/o Lalrawna, V-Sec. chu natna hrang hrang avangin in lamah enkawl mek a ni. ■ Pu Joshua L. Hrahse, C-Sec. chu Synod Hospital, Durtlangah tunkar khan a dar ruh tliak zai a ni. ■ Er. R. Lalthakima, T-Sec. chu Max Hospital, New Delhi-ah enkawl mek a ni. ■ Tv. Lalhminganga s/o P. Lalhmingliana (L), T-Sec. chu tangseh avangin in lamah enkawl mek a ni. LOCAL COUNCIL ■ Ramhlun North Fair Price Shop Retailer-III hna a dil theih a, dil duh chuan District Civil Supply Officer ‘E’ Office Venghlui ah form la chhuakin August ni 26, 2025 ral hmain thehluh theih ani e. KOHHRAN ■ The Salvation Army: Ramhlun Corps LOM chuan League Of Mercy Sunday pualin te chuan Ramhlun North Branch YMA hnenah Thlanlainaa hman tur Rs. 5,000/- an pe. Tin, vawiin hian vengchhung tihfai hnatlang an nei bawk. THILDANG Insawn: ■ Pu H. Rodingliana, ECM te chhungkua chu Pu Kapmawia building T-Sec. ah an insawn. ■ Pu Lalchhuanmawia te chhungkua chu Pu R. Laldailova te in C-Sec. atangin Pu Chalkhuma te in C-Sec. ah an insawn. ■ Tv. Lalramchhuaka chu Durtlang atangin Pu K. Tlangruala, S-Sec te inah a rawn insawn. ■ Pu Lalrohlua te chhungkua chu N. Vanlaiphai atangin Er. C. Humhima te in S-Sec. ah an rawn insawn.	PAWL DANG ■ Ramhlun Dojo: Seiko Kai International India, Mizoram Branch (All Mizoram Karate Association) buatsaih Mizoram pum huap Karate inelna 3rd Aizawl Open Mizoram Karate Championship 2025 chu ni 15-16 August, 2025 khan AMC Multi Complex, Tuikual South Dojo-ah tluang taka neih a ni a, kan veng atanga Ramhlun Dojo-a karate zirlai tel ten hetiang hian medal an la. MIPA 1. Lalfakawma s/o H. Lalhruaitluanga (V-Sec.) Gold Medal, Kata, 5 yrs and Below & Kumite, Bronze Medal, 5 years and Below. 2. Lalremruata Chhakchhuak s/o Dr. Vanlalhlana (T-Sec.) Siver Medal, Kumite 5 Years and Below, Novice Category & Bronze Medal, Kata 5yrs and Below, Novice Category. 3. Ramdinpuia s/o Ramnghahmawia (N-Sec.) 7 yrs Kumite, Novice Category Gold & 7yrs Kata, Novice Category Bronze 4. Ezra Lalnunpuia s/o Immanuel Lalnunnemi(V-Sec.) 7 yrs Kumite, Bronze Medal, Novice Category . 5. Joel Vanlalruata s/o C. Laldampuia (V-Sec.) 9 yrs Kumite +30 kg Open, Silver Medal & 9 Yrs Kata, Bronze Medal. 6. Vanlaltlana Sailo s/o Lalramliana Sailo (T-Sec.) 12 yrs Kumite Silver Medal & 12 yrs Kata, Silver Medal, Novice Category. HMEICHHIA 1. Jophiel Lawmkimi d/o John F. Lalrinsanga (N-Sec.) Bronze Medal, 5 Yrs and Below Novice Category & Bronze Medal, Kata 5yrs and Below. 2. Cathy Malsawmtluangi d/o Kaptluanga (V-Sec.) 6 yrs Kumite, Silver Medal, Novice Category & Kata, Silver Medal, Novice Category Bronze. 3. Elianna Malsawmzuali d/o C. Lalrammawia (T-Sec.) 7 yrs Kumite, Silver Medal, Novice Category & 7 yrs Kata, Bronze Medal, Novice Category. 4. Joanna Lalruatfeli d/o Dr. Vanlalhlana (T-Sec.) 9 yrs Kumite, Bronze Medal, Novice Category & 9yrs Kata, Gold Medal, Novice Category 5. Joanna Lalhunruati d/o C. Laldampuia (V-Sec.) 11 yrs Kumite + 30kg, Bronze Medal & 11 Yrs Kata Bronze Medal. 6. H.Nikita Singha d/o Romi Leima Devi (V-Sec.) 13 yrs Kumite +45kg, Bronze Medal. Ramhlun North Football Club: RNFC chuan I-Day an khel theihna atan a vengchhung mipui te tawiawmna avanga lawmthu sawina atan vawiin ni 23.8.2025 (Inrinni) hian Ramhlun North Thlanmual, Zemabawkah thlan 2 an lai.

MARYMA

PHEK 4-NA

RN YMA CHANCHINBU

ARTICLE

Sanga Pa

-Lalnuntluanga
Jt. Editor

Thu hma nei duah lovin Sanga Pa chanchin kan luhchilh nghal ang, Sanga Pa tia koh a nihna chhan chu a nupui nen an fa hming koh chu Biakhthansanga ani a, chuvangin a nupuiin Sanga Pa tiin a kova, chutiang, bawkin a nupui pawh Sanga Nu tiin a ko ve bawk, chuvang mai chu a ni e, chutih rualin an fate hmingah "Sang" tih erawh an dah tel vek thung.

Kum 1960 November thla-ah Industry Peng ah an rawn awm tan a, Ramhlun North Mihlun Thlahte hi din ve ni ta se Sanga Pa thlahte ho hi veng tan tangkai viau lemlo mahse hlun ve pawl tak an ni mai thei.

Sanga Pa hi tunlai tawngkam takin fak hlawh lo val rual an tih zinga mi - Driver a ni a, Zoram Driver Union (ZDU) President ni rei ber - a zawna kum 17 President, a hnuah kum 3, ZDU President dinhmun kum 20 zet a chelh thei a nih chu. Lirthei khalh tam na ngiang chu Zoram dung leh vang bakah Zoram pawn thlengin a inkhalh thleng thui ve hle mai a, kum 1956- ah Lawngtlai-ah motor khalh lutin, motor khalh lut hmasa bertu a ni a, heng bakah hian, South Lungdai leh North Vanlaiphai ah te Motor khalh lut hmasa ber tu ani bawk.

Mizoramah driver ni tura sawmna a dawn dan te hi a ropui angreng ve riau ania, Shillong-ah Sipai atan laiin Sipai Officer pakhat chuan Mizo driver pakhat Shillong-ah a awm thu leh Mizoram-ah thawh a duh leh duh loh zawngin a lo zawng kual chiam ni awm tak a ni a, zanrei tak hnuah a chenna quarters ah va zawng hmuin, a tum leh beisei loh takin a pian leh sei lenna Mizoramah a tuina leh chak ber hnathawk turin Mizoram lam a pan ta a ni.

Sanga Pa hi driver mai ni mahse mi vengva tak mai ani a, mizo zinga septic tank toilet nei hmasa pawl nia sawi ani a, a septic tank siam hi Synod hrulaitu Rev. Zairema te leh sorkar officer lian te pawhin an rawn ve laih laih fo tiin a sawi thin, tin, eucalyptus thing leh Ashoka Tree (Sanga Pa chuan *Ashok pandulla* tiin a sawi kher thin) Mizorama rawn lalut hmasa bertu a ni bawk. Ashoka Tree hi la hrelo/hmulo tan Ramhlun North Baptist Biak bul chiah an chenna in kawtah kung hnih chu a la ding e.

Kum 1979-a Mizo leh vai buai thlen vak tuma Mizoram Sorkar tirha palai zingah telin remna siamtute zingah a tel ve bawk a ni. Lirtheih khalh hi a tuina ngang hi ani bawk a, thil dang hi a ngaihtuah san hlei thei lo ani ber e, vawiin thlenga zin chhuak tur apiang deuthhawin an la tihfo thin khawdai/kawtchhuah a tawngtaina hun hman rawtchhuaktu leh hmang hmasa ber tu ani a, kawtchhuaha tawngtaina hun hmasa ber hi dt. 14.4.1974 (Nilaini) ah Bawngkawn, Sairang Road ah neiin, hemi hnu hian Lunglei Road lamah kal phei leh in tuna Bawngkawn thlanmual peng Vishal Market thlang zawn velah sawn tawngtaina hun a hmang leh bawk a ni.

Zoram pumhuap Crusade hmasa ber tia an sawi thin, Speaker atan Dr. Sam Kamaleson-a chu chah chhuak in dt 6th - 13th Feb, 1974 khan High School Field ah neih a ni a, hetah pawh hian Sanga Pa chu ZDU President niin Crusade hi ZDU hmalakna nia sawi a ni thin bawk, pandal an sak dan leh pandal sak na atana chak an lak khawm dan te sawi vek a chakawm hle mai, duhtawk dawn tawh hnai mai ang, lung a leng mai dawn e.

Sanga Pa tia a chanchin kim lo taka kan sawi hi Pu Darkhuma (L) a ni a, dt. 6.7.2019 khan a lei ralthuam te dahin ropuina ramah a kaisang tawh a ni.

ADVERTISEMENT

KC TUI

(10-5)

Tui thianghlim, PickUp-in 2,000 litre kan pe thei reng e. Ramhlun North veng chhung tan discount kan pe e.
Ph: 7005010327 / 9774223462

SAWMA SEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.
Rate: Inbiakremna Ph: 8119969364 (10-3)

JM SEPTIC TANK SEVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.
Rate inbiak remna. Registration: MRS 542
Contact: 9862476439 / 9436199884 (10-3)

KHIANGTE SEPTIC TANK SERVICE

Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e
Contact - 9862344971 Bawngkawn South (20-13)

L.H SEPTIC TANK SERVICE

Septic tank paihfai leh repairing engkim kan thawk thei e. Kum 17 chuang experience nei kan ni e.
Rate:4500 per trip
Ph.6909183193 (30-12)

SEPTIC TANK KHAT & REPAIR

Septic tank khat paih leh repair kan ti thei reng a, rate chu inbiakremna a ni ang. (5-5)
Contact: 6033373188/9612376373 | C/o Marina: 9436140350

COMPUTER CLASS FREE ADMISSION

CCA/DCA December exam turin Free Admission hawn mek a ni leh ta e. . . Free Study Materials.
Free PC Hardware Maintenance & Windows/Software Installation.
Mon - Fri Class kal hman lo tan Saturday-ah Class a kal theih bawk e.
Class timing 7:00am - 6:00pm (Mon-Fri)
HI-TECH INSTITUTE OF COMPUTER
Zarkawt (Near Traffic Point) &
Ramhlun North (Industry peng. Opp. Traffic point)
9862343182 / 9089612701(WhatsApp/Call)

JOJO COMPUTER INSTITUTE

(Govt. Approved Institute)
Chanmari, Ramhlun Road, Near Treasury

Computer zir duh tan DCA course-ah free admission hawn mek a ni e. Computer zirna hlun leh experience nei tha, faculty tha tak nei kan ni e. Admission hi online pawhin a tih theih a. Textbook a free-in pek zel an ni; website changtlung tak mahni inzirna tur kan nei bawk.

Ph/Whatsapp: 9612728031, 9612359711

GOV'T. APPROVED
COMPUTER INSTITUTION

MERGE
COMPUTER
CENTRE

• Free Admaision

• Free Access Website content

• Free Basic Typing Course

• Provide Theory Video Tutorial

• Scholarship for DCA 2 Semester

COURSE OFFERED:

• DCA Semester I & II

• Computer Hardware

ADDRESS:

Near Chanmari YMA Hall, Chanmari, Near MSB, Dawrpui Vengthar Pi Pang Peng, Upper Republic.

Examination & Certificate issued by
MSCTE, Govt. of Mizoram

CALL OR WHATSAPP

9862358347

More details & Online admission:

https://www.mergecomputercentre.org

Published & edited by Eddie Lalfakzuala for and on behalf of Ramhlun North Branch YMA. Copies- 1,270